



REPUBLIKA E SHQIPËRISË
KËSHILLI I MINISTRAVE

V E N D I M

Nr. 851 , datë 26.12.2024

P Ë R

KRIJIMIN DHE FUNKSIONIMIN E BAZËS SË TË DHËNAVE GIS
PËR VEPRIMTARINË ARKEOLOGJIKE NË REPUBLIKËN
E SHQIPËRISË

Në mbështetje të nenit 100 të Kushtetutës, të pikës 2, të nenit 135, të ligjit nr.27/2018, “Për trashëgiminë kulturore dhe muzetë”, të ndryshuar, dhe të nenit 4, të ligjit nr.10 325, datë 23.9.2010, “Për bazat e të dhënave shtetërore”, me propozimin e ministrit të Ekonomisë, Kulturës dhe Inovacionit, Këshilli i Ministrave

V E N D O S I:

1. Krijimin dhe funksionimin e bazës së të dhënave GIS për veprimtarinë arkeologjike në Republikën e Shqipërisë.
2. Baza e të dhënave GIS është “Databaza gjeografike për regjistrimin e veprimtarisë arkeologjike në terren dhe harta arkeologjike e Shqipërisë” (në vijim baza e të dhënave GIS).
3. Në këtë vendim, termat, si “baza e të dhënave”, “subjekt i interesuar”, “dhënësi i informacionit”, “institucioni administrues”, “ndërveprimi”, “të dhëna parësore dhe dytësore” kanë të njëjtin kuptim, siç përcaktohet në legjislacionin në fuqi për bazat e të dhënave shtetërore.
4. Institucioni administrues i bazës së të dhënave është Drejtoria e Shërbimit Arkeologjik në Institutin Kombëtar të Trashëgimisë Kulturore (në vijim IKTK).
5. Baza e të dhënave GIS është në formë elektronike.

6. Baza e të dhënave GIS përmban të dhënat parësore dhe dytësore.

7. Të dhëna parësore të hapura për publikun janë:

a) vëzhgimet arkeologjike të kryera në territorin e Republikës së Shqipërisë:

- i. Shtresë poligon për vëzhgimet arkeologjike;
- ii. Shtresë poligon për zonifikimet arkeologjike, të miratuara me vendim të Këshillit të Ministrave.

b) sondazhet arkeologjike të kryera në territorin e Republikës së Shqipërisë:

- Shtresë poligon për sondazhet arkeologjike.

c) gërmimet arkeologjike të kryera në territorin e Republikës së Shqipërisë:

- Shtresë pikë për gjetjet arkeologjike.

ç) gërmimet arkeologjike të shpëtimit të kryera në territorin e Republikës së Shqipërisë;

d) zonifikimet arkeologjike të miratuara sipas vendimeve përkatëse të Këshillit të Ministrave;

dh) ndarja territoriale, sipas territorit në administrim të drejtorive rajonale të trashëgimisë kulturore (në vijim DRTK), referuar funksionimit dhe mënyrës së zhvillimit të veprimtarive të DRTK-ve, të përcaktuara me vendim të Këshillit të Ministrave;

- Shtresë poligon për ndarjen e territorit në administrim të DRTK-ve.

e) harta arkeologjike e Shqipërisë:

- i. Shtresë pikë për *site*-t dhe gjetjet arkeologjike;
- ii. Shtresë linjë për rrugët antike.

7.1. Të dhëna parësore të mbyllura për publikun janë:

a) të dhëna grafike dhe përshkimore, në funksion të bazave të të dhënave GIS;

b) të dhëna për projektin, të cilat përmbajnë:

- i. emrin e projektit, zhvillimor apo shkencor;
- ii. të dhëna për subjektin zbatues.

c) materiale digjitale:

- i. Planvendosja e projektit me koordinatat përkatëse;
- ii. Gjurma e zonës së vëzhguar apo gërmuar/testuar;
- iii. Koordinata të vendgjetjeve;
- iv. Raport i procesit arkeologjik;
- v. Relacioni i gjetjeve;
- vi. Skeda të terrenit, imazhe.

ç) të dhënat për hartën arkeologjike:

- i. Koordinatat e vendgjetjes;
- ii. Burimi i informacionit;
- iii. Imazhe, kur është e mundur;
- iv. Format dhe rilevim grafik, në rast strukturash.

7.2. Të dhëna dytësore të hapura për publikun janë:

- a) imazhi i hartave bazë;
- b) emërtimet gjeografike;
- c) modeli digjital i terrenit.

7.3. Të dhëna dytësore të mbyllura për publikun janë:

- i. të dhëna për aplikantin;
- ii. të dhëna për zhvilluesin.

8. Dhënës të informacionit për bazën e të dhënave GIS janë:

- a) Instituti Kombëtar për Trashëgiminë Kulturore;
- b) drejtoritë rajonale të trashëgimisë kulturore;
- c) Akademia e Shkencave;
- ç) Instituti i Arkeologjisë;
- d) parqet arkeologjike;
- dh) subjektet e licencuara për veprimtari arkeologjike dhe veprimtari arkeologjike nënujore;
- e) institutet/institucione kërkimore-shkencore dhe institucionet e arsimit të lartë.

9. Subjektet e interesuara për bazën e të dhënave janë, si më poshtë vijon:

- a) Institucionet e specializuara, sipas nenit 28, të ligjit nr.27/2018, “Për trashëgiminë kulturore dhe muzetë”, të ndryshuar;
 - b) Subjektet e licencuara për veprimtari arkeologjike dhe veprimtari arkeologjike nënujore;
 - c) Universitetet;
 - ç) Publiku i gjerë, përfshirë subjekte private të licencuara në fushën e arkeologjisë;
 - d) Institucionet publike e private;
 - dh) Persona fizikë/juridikë, që kanë interes për qëllime informimi.
10. Niveli dhe mënyra e aksesit në sistem e subjekteve të interesuara është, si më poshtë:
- a) Si konsultues (*viewer*) të informacionit nëpërmjet *web-it*;
- Të gjithë të interesuarit kanë nivel aksesit si lexues e konsultues, lidhur me informacionin e vënë në dispozicion, nëpërmjet aplikimit *webGis*, në faqen e internetit të IKTK-së.
- b) Si administrator, përpunues dhe përditësues i bazës së të dhënave është Drejtoria e Shërbimit Arkeologjik.
11. Për punonjësit e IKTK-së, niveli i aksesimit përcaktohet në rregulloren e brendshme të organizimit dhe të funksionimit të sistemit *webGis* për menaxhimin e veprimtarisë arkeologjike në terren dhe hartës arkeologjike të Shqipërisë.
12. Baza e të dhënave GIS ndërvepron me:
- a) Gjeoportalin Kombëtar, administruar nga Autoriteti Shtetëror për Informacionin Gjeohapësinor;
 - b) Regjistrin Kombëtar të Gjendjes Civile, administruar nga Drejtoria e Përgjithshme e Gjendjes Civile;
 - c) Regjistrin Tregtar, administruar nga Qendra Kombëtare e Biznesit.
13. Informacioni i shtresave gjeografike të databazës përcillet me anë të WMS-së publike, duke e bërë këtë informacion të konsultueshëm nga sisteme të ngjashme të tjera dhe/ose në programe GIS *Desktop*.
14. Të dhënat personale të përfshira në bazën e të dhënave GIS përpunohen në përputhje me dispozitat e ligjit nr.9 887, datë 10.3.2008, “Për mbrojtjen e të dhënave personale”, të ndryshuar. IKTK-ja përdor bazën e të dhënave edhe

për përpunimin e statistikave, kërkimeve, studimeve dhe analizave të të dhënave, si dhe për komunikimin ose shpërndarjen e mundshme të tyre, vetëm në formë anonime.

15. Baza e të dhënave GIS ka 4 nivele përdoruesish (*users, levels*):

- a) Administratori;
- b) Specialisti GIS i sektorit përgjegjës për menaxhimin e të dhënave të kësaj baze të dhënash;
- c) Specialisti për kontrollin e dokumentacionit;
- ç) Subjekti i licencuar në arkeologji/institucioni i specializuar.

16. Funksionet dhe të drejtat e secilit përdorues janë në përputhje me pozicionin e punës, të përcaktuara në procedurat e punës, si dhe të miratuara nga drejtori i IKTK-së për secilin nga punonjësit e tij.

17. Vendimi nr.133, datë 7.3.2018, i Këshillit të Ministrave, “Për krijimin e bazës së të dhënave shtetërore për sistemin e *webGis* për menaxhimin e veprimtarisë arkeologjike në terren të Agjencisë së Shërbimit Arkeologjik”, shfuqizohet.

18. Ngarkohet Instituti Kombëtar i Trashëgimisë Kulturore, institucionet e specializuara që kryejnë veprimtari të kërkimit arkeologjik dhe subjektet e licencuara për veprimtari arkeologjike dhe veprimtari arkeologjike nënujore për zbatimin e këtij vendimi.

Ky vendim hyn në fuqi pas botimit në “Fletoren zyrtare”.

K R Y E M I N I S T R I

EDI RAMA

**MINISTRI I EKONOMISË,
KULTURËS DHE INOVACIONIT**

BLENDI GONXHIA

NR.PROT. 6359/3
DATE 27.12.2024

MINISTRISË SË EKONOMISË, KULTURËS DHE
INOVACIONIT
INSTITUTIT KOMBËTAR TË TRASHËGIMISË
KULTURORE
QENDRËS SË BOTIMEVE ZYRTARE

Sekretari i Përgjithshëm

Engjëll AGAÇI

